

62 廣未嘗不在其中，而諸部校尉以下，才能不及中人，然以擊胡軍功取侯者數十人，而廣不爲  
63 後人，<sup>(一)</sup>然無尺寸之功以得封邑者，何也？豈吾相不當侯邪？且固命也？」朔曰：「將軍  
64 自念，豈嘗有所恨乎？」廣曰：「吾嘗爲隴西守，羌嘗反，吾誘而降，降者八百餘人，吾詐而  
65 同日殺之。至今大恨獨此耳。」朔曰：「禍莫大於殺已降，此乃將軍所以不得侯者也。」

〔一〕索隱 中音丁仲反。率音律，亦音雙筆反。小顏云：「率謂軍功封賞之科，著在法令，故云中率。」

〔二〕索隱 案：以九品而論，在下之中，當第八。

〔三〕索隱 案：謂不在人後。

66 後二歲，大將軍、驃騎將軍大出擊匈奴，廣數自請行。天子以爲老，弗許；良久乃許  
67 之，以爲前將軍。是歲，元狩四年也。

68 廣既從大將軍青擊匈奴，既出塞，青捕虜知單于所居，乃自以精兵走之，而令廣并於右  
69 將軍軍，<sup>(二)</sup>出東道。東道少回遠，而大軍行水草少，其勢不屯行。<sup>(三)</sup>廣自請曰：「臣部爲前  
70 將軍，今大將軍乃徙令臣出東道，且臣結髮而與匈奴戰，今乃一得當單于，<sup>(四)</sup>臣願居前，先  
71 死單于。」大將軍青亦陰受上誡，以爲李廣老，數奇，<sup>(五)</sup>毋令當單于，恐不得所欲。而是時  
72 公孫敖新失侯，爲中將軍從大將軍，大將軍亦欲使敖與俱當單于，故徙前將軍廣。廣時知

73 之，固自辭於大將軍。大將軍不聽，令長史封書與廣之莫府，曰：「急詣部，如書。」<sup>(六)</sup>廣  
74 不謝大將軍而起行，意甚愠怒而就部，引兵與右將軍食其<sup>(七)</sup>合軍出東道。軍亡導，或失  
75 道，<sup>(八)</sup>後大將軍。大將軍與單于接戰，單于遁走，弗能得而還。南絕幕，<sup>(九)</sup>遇前將軍、右  
76 將軍。廣已見大將軍，還入軍。大將軍使長史持糒醪遺廣，因問廣、食其失道狀，青欲上書  
77 報天子軍曲折。<sup>(十)</sup>廣未對，大將軍使長史急責廣之幕府對簿。廣曰：「諸校尉無罪，乃我自  
78 失道。吾今自上簿。」

〔一〕集解 徐廣曰：「主爵趙食其爲右將軍。」

〔二〕集解 張晏曰：「以水草少，不可羣羣。」

〔三〕索隱 今得當單于。案：「廣言自少時結髮而與匈奴戰，唯今者得與單于相當遇也。」

〔四〕集解 如淳曰：「數爲匈奴所敗，奇爲不偶也。」索隱 案：「服虔云：「作事數不偶也」。音朔。小顏音所具反，

奇，蕭該音居宣反。

〔五〕正義 令廣如其文牒，急引兵從東道也。

〔六〕索隱 音異基。案：「趙將軍名也。或亦依字讀。」

〔七〕索隱 謂無人導引，軍故失道也。

〔八〕正義 絕，度也。南歸度沙幕。

〔九〕正義 言委曲而行迴折，使軍後大將軍也。